

摘藻堂四庫全書薈要

集部

欽定四庫全書薈要卷一萬五千五百十七

集部

劔南詩彙卷二十七

宋 陸游 撰

僧廬

僧廬土木塗金碧四出徵求如羽檄富商豪吏多厚積
宜其棄金如瓦礫貧民妻子半菽食一飢轉作溝中瘠
賦歛鞭笞縣庭赤持以與僧亦不惜古者養民如養兒
勸相農事憂其飢露臺百金止不為尚媿七月周公詩

流俗紛紛豈知此
熟視創殘謂當爾
傑屋大像無時止
安得疲民免飢死

春日

節節足足雀噪檐
朱朱白白花窺簾
坐旁設酒隨時飲
床上堆書信手拈
寓世無求猶役役
杜門不病亦厭厭
春濃日永有佳處
睡味著人如蜜甜

春遊

鏡湖春遊甲吳越
鶯花如海城南陌
十里笙歌聲不絕

不待清明寒食節青絲玉瓶挈新釀細柳穿魚初出浪花外金羈絡雪駒橋邊翠幙圍螭舫怕雨愁陰人未知時時微雨却相宜養花天色君須記正在輕雲嫩靄時

懷晉

晉遇高皇帝華纓接俊遊年光一彈指世事幾浮漚故國但青嶂羈臣今白頭平生笑李廣癡絕望封侯

記夢

夢不出心境曠然成遠遊花殘杜城醉木落華山秋戰

血磨長劒塵痕洗故裘那知覺來處身臥五湖舟

春陰

老境三年病新春十日陰孤舟鏡湖客萬里玉關心出
岫雲多態呼風鳥獨吟讀書惟恐盡傾酒却愁深

睡起行至門外有賦

窓黑停書課屏深養病眸雨聲工破睡酒力不禁愁兀
兀披衣起昏昏曳杖遊柴荆晚未閉隔水數歸牛

早春

舊學樊遲稼新通記勝書不成籌國論且復愛吾廬

又

具牛將犢行野雉挾雌鳴農事不可緩閒人亦勸耕

又

近陂牛潼白達浦鴨頭青一櫂悠然去東風吹酒醒

又

西村一抹烟柳弱小桃妍要識春風處先生拄杖前

醉吟

少日沉迷汗簡青如今毀譽兩冥冥書生弄筆如何信
只合花前醉不醒

又

驅使難憑赤丁子傳呼底用蒼頭兒世間如夢身如寄
春去花空欲泥誰

又

牽經引禮人誰聽是古非今世共憎何似對花傾綠酒
自歌一曲醉騰騰

贈劉改之秀才

君居古荊州醉膽天宇小尚不拜龐公况肯依劉表胸
中九淵蛟龍蟠筆底六月冰電寒有時大叫脫烏幘不
怕酒杯如海寬放翁七十病欲死相逢尚能刮眼看李
廣不生楚漢間封侯萬戶宜其難

蓬門

莫笑蓬門雀可羅老農正要養天和穿林裊裊孫登嘯
叩角鳴甯戚歌睡美到明三展轉飢甘捧腹一摩挲

床頭更聽糟床注造物私吾亦已多

龍鐘

龍鐘一老寄荒村鼎食山樓久已分平日氣吞雲夢澤
莫年緣在武夷君搶榆敢羨垂天翼倚市從嗤刺繡文
幸有筆床茶竈在孤舟更入剡溪雲

送佛照光老赴徑山

大覺住育王拗折拄杖強到底佛照住育王挑得鉢囊
隨詔起從來宗門話只要句不死說同說異菴外人若

是吾宗寧有此日日風雨今日晴萬里春光入帝城傳
宣江上走中使開堂座上羅公卿御香靄靄雲共布法
音浩浩潮收聲報恩一句作麼道常遣山林見太平

春社有感

顛顚前朝白髮郎祠庭賦祿玷恩光寸心未與年俱老
萬事惟憑酒暫忘穿仗兩曾觀揖遜扶犁獨章返耕桑
耆年凋落還堪歎社飲推排冠一鄉

三山百家之聚
年莫余先者

春社

桑眼初開麥正青
勃姑聲裏雨冥冥
今朝有喜君知否
到處人家醉不醒

又

社肉如林社酒濃
鄉鄰羅拜祝年豐
太平有象吾能說
盡在皃皃社鼓中

又

柴門西畔枕陂塘
社雨新添一尺強
臺省諸公方衮衮
故應分喜到耕桑

又

太平處處是優場
社日兒童喜欲狂
且看參軍喚蒼鶻
京都新禁舞臺郎

村夜

寂寂山村夜悠然
醉倚門月昏天
有暈風軟水無痕
迹為遭讒遠身由
不仕尊敢嗟車馬
絕同社自雞豚

山園遣興

輸逋告糴走比隣
恤患分灾累故人
安得此身無一事

林中數筍過殘春

次韻陳機宜見贈

邂逅今年得若人，翛然不染庾公塵。
思幽屈子歌山鬼，語妙陳王賦洛神。
初接笑談忘老態，熟觀風度愛清真。
花時飛盡頻行樂，莫學衰翁睡過春。

野意

隄長逾十里，村小只三家。
山客弛樵擔，溪翁鳴釣車。
花深迷蝶夢，雨急散蜂衙。
衰疾新年減，青鞵上若耶。

戒殺

物生天地間同此一太虛林林各自植但作形骸拘日夜相殘殺曾不置斯須皮毛備裘褐膏血資甘腴雞鶩羊彘輩尚食稗與芻飛潛何預汝禍乃及禽魚豺虎之害人亦為飢所驅汝顧不自省何暇議彼歟又於人類中各私六尺軀方其忿怒時流血視若無我欲反其源默觀受氣初挺办之所加慘若在我膚朝飯一哺豆莫飯一盃蔬捫腹茹檐下陶然歡有餘

余年四十六入峽忽復二十三年感懷賦長句

當年弔古巴東峽雪灑偏舟見早梅宋玉宅邊新酒美

巫山廟下莫猿哀樵柯爛盡棋方劇客甌炊成夢未回

已把癡頑敵憂患不勞團扇念寒灰

劉夢得團扇歌曰當時初入君懷袖

豈想寒爐有死灰

山行

七十衰翁短鬢斑藥瓢藤杖畔清閒平生惡路羊腸阪
晚歲羸軀飯顆山一寸塲餘青靄外數聲鐘下翠微間

往來處處皆奇絕莫道先生興盡還

雨中排悶

一春苦沈陰未省見桃李已逢暗寒食更值雨甲子重
雲失南山寸步困泥滓籜龍已觶觶一飽差可喜

杜敬未寓僧舍開軒松下以虛瀨名之來求詩

君不見洛陽八節灘未至一舍聞驚湍生綃六幅誰所
畫入眼能令三伏寒又不見桐廬七里瀨濺雪跳珠舞
澎湃羊裘老子去千年絕世孤風凜如在杜陵之孫今

勝遊飄然不必事遠遊結茆古寺聽松吹坐擅洛水桐
江秋放翁百念俱已矣獨有好奇心未死約君少待秋
月明抱琴來宿寫灘聲

贈徑山鈺書記

徑山老將無勍敵百萬魔軍俱埽迹座下何人策雋功
籌略縱橫鈺書記鈺公聲名滿吳會惟有放翁最先識
奕奕揮毫玉粲詩翩翩挿羽陳琳檄風雷東海起伏龍
縑藉園邱薦蒼壁徑山入門第一義萬口譁言真稱職

我謂銛公豈止此徑山鉢袋渠能得一枝白拂倘付之
會見青天飛霹靂

五月一日作

處處稻分秧家家麥上場敢悲身老大獨幸歲豐穰
酪美朱櫻熟菰青角黍香脩然一竹几飽受北窓涼

春夏之交衰病相仍過芒種始健戲作

藥裏關心百不知可憐筆硯鎖蛛絲倒壺猶有莫春酒
開卷遂無初夏詩戶外逢人驚隔濶燈前顧影歎支離

癡頑未伏常愁卧鼓缶長謠樂聖時

自嗟

青疏半畝老生涯霜鬢蕭蕭只自嗟
勛業蹉跎空許國文詞淺俗不名家
殘骸皆作麒麟楨舊友仍非處士牙
收得平生釣竿手長安西日更須遮

枕上述夢

五月十二日
雞鳴時作

江湖送老一漁舟清夢猶成塞上游
生馬駒馳鐵蹠腕古鏡歌奏錦衣襦
玉闕雪急傳烽火青海雲開見戍樓

白首不侯非所恨
咿嚶床簀死堪羞

雨中排悶

潤入盆山綠葉稠
倦攤書帙小窗幽
浮雲不卷時時雨
薄酒無功日日愁
積潦漲來妨躡屐
好山遮盡罷登樓
青秧蕩映湖堤決
一飽前知未易謀

小軒夏夜涼甚偶得長句呈杜丈高秀才

遙夜簾櫳已借秋
闌干星斗挂檐頭
鵲翻清影移枝宿
螢弄孤光拂簾流
榻上琴書分枕藉
髮根風露冷飈飈

故人莫笑幽居陋此夕真從造物遊

憶昔

憶昔西征日飛騰尚少年軍書插鳥羽戍壘候狼烟渭
水秋風夜岐山曉雪天金鞵馳叱撥繡袂舞嬋娟但恨
功名晚寧知老病纏虎頭空有相麟閣竟無緣壯士埋
巴峽獨孤策孤身臥海壖安西九千里孫武十三篇裘嘆
蘇秦弊鞭憂祖逖先何時聞詔下遣將入幽燕

夏日晚興

高掛虛窓對綠池
鳥啼聲歇柳陰移
含風珍簾閒眠處
疊雪輕衫新浴時
泉冷甘瓜開碧玉
手香素藕骨一作雪
長絲夕陽四面漁歌起
又赴鄰翁把釣期

老翁

老翁垂七十不復歎頭顱
浩蕩新漁艇凋零舊酒徒
巖徐元衮衮管葛亦區區
獨有欣然處登山未用扶

困甚戲書

官如枝頭乾不受雨露恩
身如水上浮泛泛寧有根
刈

郊已苦屋縛柴以為門故人分祿米鄰父餉魚殮前門
吏徵租後門質襦裙不敢謀歲月且復支朝昏雨餘幽
花折亦可侑清尊吾生信已乎終老此山村

歲晚

日月忽其逝吾生猶幾何不從屠狗醉卽和飯牛歌斧
鉞方稽討金繒仍議和無情恨荆棘歲晚暗銅駝

戲詠山陰風物

萬里秦吳稅駕遲還鄉已歎鬢成絲城邊綠樹山陰道

水際朱扉夏禹祠項里楊梅鹽可徹

太白梁國吟云玉盤楊梅為君設吳

鹽如花皎白雪不知楊梅酸者乃薦以鹽佳品未嘗用也湘湖蓴菜豉偏宜

蓴菜最宜鹽豉

所謂未下鹽豉者言下鹽豉則非羊酪可敵蓋盛言蓴菜之美爾

圖經草草常堪恨好

事他年采此詩

老健

才智不足狂有餘此身老健更誰如齒牢尚可決乾肉
目瞭未妨觀細書不怪模稜咄了了但驚紵臂勸徐徐
曉看瓜瓞初牽蔓一笑呼兒勿廢鉏

六月晦日作

長夏忽云過徂年行且休
川原方渴雨草木已驚秋
露蔓晨猶泣風蟬莫更遒
明窓對清鏡世事判悠悠

喜雨

雷車隆隆南山陽
電光煜煜北斗傍
急雨橫斜生土香
草木蘇醒起仆僵
芭蕉抽心鳳尾長
薜荔引蔓龍鱗蒼
葛幘竹簟夜更涼
超然真欲無羲皇
常年七月蚊殷廊
今夕肅肅疑飛霜
水車罷踏戽斗藏
家家買酒歌時康

門外納涼

玄雲障落日早得數刻涼寒泉灑門前浴罷倚胡床蟬
聲晚愈壯藕花凋更香嘯詠忽已久野色來蒼蒼新月
淡無輝大星森有芒水鳥亦歸宿飛鳴掠橫塘人生各
有時何至終身忙撫髀三太息墜露濕衣裳

贈蘇趙叟兄弟

君家真德門才傑生衮衮託契則甚深所恨相識晚携
文數過我每讀必三反譬如天廐駒真是渥洼產閉門

萬卷讀更要極原本才難聖所歎期子敢不遠

癸丑七夕

風露中庭十丈寬
天河仰視白漫漫
難尋仙客藥槎路
且伴吾兒乞巧盤
秋早時聞桐葉墜
夜涼已怯紵衣單
民無餘力年多惡
退士私憂實萬端

笑語

喬嶽成塵巨海枯
欲求笑語一人無
黃金已作飛烟去
癡漢終身守藥鑪

書歎

少年志欲埽邊塵至老寧知不少伸
覽鏡已悲身潦倒橫戈空覺膽輪囷
生無鮑叔能知己死有要離與卜鄰
西望不須揩病眼長安冠劍幾番新

秋曉倚闌

雲罇纖纖玉一鈎小庭風露更清柔
老來朋舊凋零盡獨倚闌干特地愁

癸丑七月二十七夜夢遊華嶽廟

驛樹秋風急關城莫角悲平生忠憤意來拜華山祠

又

牲碑非正朔祠祝各衣冠神亦豈堪此出門山雨寒

僕頃在征西大幕登高望關輔樂之每冀王師拓
定得卜居焉暇日記此意以示子孫

八月殘暑退秋聲滿庭樹豈無四方志衰病迫霜露遼
東黃頭奴稔惡天震怒南北會當一老我悲不遇子孫
勉西邊俗厚吾所慕約已收孤嫠教子立門戶黍稌暗

阡陌鷄雉足七箸永為河渭民勿憚關山路

讀陶詩

我詩慕淵明恨不造其微退歸亦已晚飲酒或庶幾雨
餘鉏瓜壟月下坐釣磯千載無斯人吾將誰與歸

秋夜感舊十二韻

冷螢綴蓬根忽復照高樹年光逝不留百感集遲莫往

者秦蜀間慷慨事征戍猿啼鬼迷店馬噤飛石鋪

鬼迷店在

大散關下飛石鋪在小益道中常有崩石

危嶺高入雲朽棧劣容步天近星

宿大江惡蛟鼉怒意氣頗自奇性命那復顧最懷清渭
上衝雪夜掠渡封侯細事爾所冀垂竹素堯鰲竟何成
豈獨儒冠誤當時妄校尉旗纛今照路浩歌遂成章聊
慰老不遇

幽居

海濱結茆新退藏常畏人已侵垂老境尚愛不貲身丹
灶長生藥巢居上古民秋來有奇事鷗鷺日相親

醉題

勿笑山翁病滿軀胸中俠氣未全無
雙瞳遇醉猶如電
五木隨呼盡作盧
代北健兒富羊馬
江南奇士出荻蘆
何由親奉平邊詔
蹴踏關中建帝都

雨涼小飲戲作

孤村小院雨輸涼
團扇流塵避簟床
蛩思感秋吟壞壁
螢光乘暗遶高梁
巾箱字細成褫嬾
醺醺杯深斷送狂

坐睡覺來人已散
簾櫳時度玉簪香

玉簪花名

題齊壁

迹是滄浪客家居擺槲村秋菰毛羹滑社酒帶醅渾勛
業知難建文章不更論惟餘此身在分付與乾坤

書憤

山河自古有乖分京洛丘墟實未聞劇盜曾從宗父命
遺民猶望岳家軍上天悔禍終成福公道何人肯散羣
白首自知疎報國尚憑精意祝爐熏

宗澤守東都巨盜來歸百萬號宗爺

岳家軍蓋
紹興初語

秋興

秋風又滿會稽城有客飄然萬事輕久向林間得佳趣
不知身外有浮名葡萄雨足初全紫烏柏霜前已半頽
欲把一盃終覺嬾老來懷抱為誰傾

雨夜排悶

羸病愁燈影羈懷怯雨聲新秋忽已半垂老若為情金
印兒嬉事青編身後名何如破窓下袖手送餘生

又

村巷時時雨江城夜夜砧沉憂羈客夢孤憤遠臣心身

病常須藥囊空未贖琴明朝鏡中髮飽受雪霜侵

秋日出遊戲作

箬帽簑衣自道宜不論晴雨著無時半醒半醉人爭看
是聖是凡誰得知

又

薄雲韜日未成雨野水齧沙爭赴溪書冊嬾看聊作伴
酒壺不飲亦常携

雨中夕食戲作

高秋滴階雨作泥
黃昏爭林雀欲棲
臨窓一飯頗簡快
半升脫粟澆黃齏

又

粗飢寒菹到手空
屬饜也與八珍同
家人見慣渾閒事
笑殺新來兩髻童

又

粳粒微紅愧食珍
蔣芽初白喜嘗新
摩挲便腹無憂責
我是人間得計人

自警言

墮髮滿晨梳荒畦入晚鉏涼生團扇阮病退短筇踈聖
道功殊淺塵緣習未除青燈幸如故勉近讀殘書

寄方瞳胡先生

形槁神彌王心虛腦自凝平生一酒榼萬里兩行滕安
枕存玄牝齋居養絳陵他年喬嶽下正晝看飛騰

古仙人飛

升皆在五嶽名
山故人少見者

雨夕焚香

芭蕉葉上雨催涼
蟋蟀聲中夜漸長
繡十二經真太漫
與君共此一爐香

秋雨初霽徙倚門外有作

三十餘年此結廬
客來不用笑迂踈
前身已預蘭亭會
老眼曾窺禹穴書
浮瓮社醕香出屋
登塲秋稼穗盈車
蕭蕭蓬鬢雖衰矣
追逐鄉鄰尚有餘

雨中作

野外偏于看雨宜
映空渡水細如絲
川雲借潤支琴石

礪水分流洗藥池未肯高眠成老態却緣危坐得新詩
悠然更坐鄰丁喜漸近收蕎下麥時

贈老雞

我我赤幘先羣輩喔喔長鳴蓋四郊意氣雖雄無處用
風霜從我老衡茆

又

場中啄粟樹頭棲三唱明星出尚低闌路元無孟嘗客
吳兒莫議會稽雞

秋晚閒步鄰曲以予近嘗臥病皆欣然迎勞

放翁病起出門行
績女窺籬牧豎迎
酒似粥釀知社到
甃如盤大喜秋成歸
來早覺人情好
對此彌將世事輕
紅樹青山只如昨
長安拜免幾公卿

雨夜

歲晚茆茨劣自容
齒搖將脫髮將童
心遊萬里關河外
身臥一窓風雨中
醫不可招惟忍病
書猶能讀足忘窮
夜闌睡覺蛩聲裏
時見燈花落碎紅

醉臥道傍

爛醉今朝臥道傍，鄉間共為護牛羊。
高懷那遣群兒覺，至理真能萬事忘。
喚起瘦軀猶鬼我，扶歸困睫更芒洋。
凍齏快嚼茆檐下，拍手從人笑老狂。

枕上聞急雨

枕上雨聲如許奇，殘荷叢竹共催詩。
喚回二十三年夢，燈火雲安驛裏時。

又

酒病羈愁一洗空長歌高枕雨聲中傳聞谿港深三尺

明日偏舟處處通

港洄久不通舟楫兩日雨殊可喜也

得趙若川書因寄

澤居路絕人不到晨起忽傳雙鯉魚儲淚一升悲世事
減愁三尺看君書龍墀對策言傷直山邑迎親計未踈
老病閉門誰省錄因風時肯問何如

夢至洛中觀牡丹繁麗溢目覺而有賦

兩京初駕小羊車顚顚江湖歲月賒老去已忘天下事

夢中猶看洛陽花
妖魂豔骨千年在
朱彈金鞭一笑譁
寄語瓊裘莫癡絕
祈連還汝舊風沙

閒居對食書媿

遊宦無功坐免歸
誰令盤筋極甘肥
錦鱗差尾魚登俎
繡羽駢頭雉觸機
桑落滿壺春盎盎
雨前轉磴雪霏霏
殘年何地酬君賜
自古羈臣厭蕨薇

又

老病家居幸歲穰
味魚南北飫枯腸
滿脾蜜熟餽餽美

下棧羊肥餽飫香鱖刺河魴初出水迷離穴兔正迎霜
山僧一鉢無餘念應笑先生為口忙

秋夜獨酌

壯志隨年減羈愁與夜長月高寒暈淡花圻露叢香仕
畏讒銷骨歸判酒腐腸青燈寫孤影相勸盡餘觴

風雲交作戲題

雲脚如龍爪空中挾雨來何關風伯事欲到却吹回

自嘲

歲月推遷萬事非放翁可笑白頭癡此生竟出古人下
有志尚如年少時僻學固應知者少長歌莫問和予誰
自嘲自解君毋怪老大從人百不宜

書室

客來莫笑席塵凝靜處工夫却少增黑蟻常繙魯壁簡
瘦蛟時落越溪藤尚能豪健如霜鶻未遽衰殘學凍蠅
更喜論文有兒子夜窓相對短檠燈

數日秋氣已深清坐無酒戲題長句

漸近重陽天氣嘉數椽茆竹淡生涯山童擁篲掃黃葉
鄰女傍籬收碧花避俗要生輪四角出門何啻路三叉
晚窓酒盡無多歎試問前村好事家

五更起坐

世間醉夢過浮生誰肯披衣坐五更煜煜心光回自照
緜緜踵息浩無聲古人得意捐糟粕癡子何知墮化城
七十老翁須努力鄰雞纔唱又窓明

谿上雜言

谿上之丘吾可以休谿中之舟吾可以遊一裘雖弊可
度風雪虐一簞雖薄未有旦夕憂媿於此心鼎食其敢
飽負其所學蟬冕增吾羞古人誰謂不可見黃卷猶能
覩生面百穀蕤蕤知稷功九州茫茫開禹甸巍巍成功
亦何有治亂但如翻覆手逢時皆可致唐虞比身管樂
寧非苟樹桑釀酒蕃雞豚是中端有王業存一朝遇合
得施設千載始知吾道尊

厭事

厭事便微疾貪眠幸早寒人雖笑疎嬾天實閔衰殘
韋布何曾賤茆茨本自寬黃花插烏帽一醉有餘歡

方池

莫笑方池小清泉數斛寬照花紅錦爛洗硯墨蛟蟠日
取供茶鼎時來擲釣竿秋風過欄角也解作微瀾

癸丑重九登山亭追懷頃在興元常以是日獵中
梁山下樂甚慨然賦詩予於是生六十有九年矣
生年六十九重陽轍遍秦吳歲月長南鄭從戎嗟尚壯

中梁縱獵最難忘
離披雄拂雕鞍墮
獨俛狐穿古冢藏
夢斷酒醒今萬里
亦逢佳節重悲傷

劔南詩豪卷二十七

謹案卷二十六第十二頁前七行雲開寒日上魚
梁刊本開訛間據唐宋詩醇改

卷二十七第二頁後四行呼風鳥獨吟刊本鳥訛
為今改

第十六頁後六行宗澤守東都刊本宗訛京據宋
史改





總校官庶吉士臣張能照

校對官助教臣金學詩

校對官庶吉士臣徐如澍

謄錄監生臣張同巽

謄錄監生臣張耀臺

欽定四庫全書薈要

集部

劔南詩藁卷二十八

九

詳校官助教臣謝登雋



欽定四庫全書薈要卷一萬五千五百十八

集部

劔南詩藁卷二十八

宋 陸游 撰

感懷

老病與世絕屏迹三家村我居一何陋舉手屋可捫客
至不能迎堅坐度朝昏一窓修竹下超然傲羲軒物外
自變遷內景常默存黃流不注海浩浩朝崑崙妙道本
自得至言初不煩功成出緒餘猶足康黎元

又

卜居鏡湖上一菴環翠屏竹林藏谿舂嶺路蟠青冥騫
騰立奇石嶄絕瞻危亭車馬雖掃迹猿鳥與忘形我行
半九州跼盡芒鞋青豈知雪滿鬢於茲敞雲扃丹砂收
箭鏃茯苓劖人形遼天渺歸鶴一瞬三千齡

又

平生喜栽花賴以娛寂莫小園財一畝粲粲萬跗萼典
衣買紫桂輟食致紅藥阡眠香草茂掩萼烟柳弱踏雨

探花開障風畏花落雖慙童心在終勝塵事縛今日疾
稍間天氣亦清廓啼鳥寒不歸可以侑吾酌

又

殘年迫衰謝嬰疾歸鄉粉諸賢渡江初總角幸有聞才
非楚倚相亦能讀典墳夫豈或使之後死與斯文世儒
鑿戶牖道術將瓜分孤陋守一說百氏殆可焚後來豈
無人鼻堊誰揮斤巍巍貞觀治房魏出河汾

出遊

采藥今朝偶出遊溪邊小立喚漁舟未須著句悲搖落
嫩日和風不似秋

又

朝行躡屨穿幽谷莫返褰裳涉亂流提起短筇成一笑
每煩上座為分憂

讀杜詩偶成

一念寧容事物侵天魔元自是知音拾遺大欠修行力
小吏相輕尚動心

秋夜即事

鳥宿牛歸戶欲扃
燈前老子影伶俜
濕雲不散初聞雁
深竹微明尚有螢
一卷舊書開蠹簡
半升濁酒倒餘瓶
乘閒欲擬歸來作
小草斜行滿曲屏

物有可歎者因戲作數語以識之

雞棲及我未掩扉
犬雖遠出莫自歸
司晨警夜職交舉
簸糠棄粒報亦微
查查雙鵲更媿汝
庭樹夜宿常相依
豈憐主人老寂莫
暝熱蓬戶不忍違
養鷗甚恩健即去

養鷹雖久飽亦飛嗟哉物性厚薄異使我隱几空歔歔

老懷

身見高皇再造初名場流輩略無餘舊書科斗纔存字
薄業蝸牛僅有廬迂士豈堪新貴使少年自與老人疎
荒園寂寂堆霜葉抱瓮何妨日灌蔬

對酒

古今共有死長短無百年方其欲瞑時如困得熟眠世
以生時心安度死者情疑其不忍去一笑可絕纓區區

計生死不如持一觴一觴澆不平萬事俱可忘待酒忘
萬事猶是役於酒醉醒不到處妖魔自奔走

東村散步有懷張漢川

扶杖東村路秋來始此回寒鴉盤陣起野菊臥枝開憂
國丹心折懷人雪鬢催房湖八千里那得尺書來

晚寒自東村步歸

夕陽下平野落葉滿荒街村店賣麴麪人家燒豆豉溪
風透布褐草露濕芒屨骨相元如此何由與世諧

排悶

丈夫結髮志功名大事真當以死爭我昔駐車籌筆驛
孔明千載尚如生

又

曾携一劍遠從戎秦趙關河顧盼中老去功名無復夢
凌烟分付黑頭公

又

四十從軍渭水邊功名無命氣猶全白頭爛醉東吳市

自拔長刀割羴肩

又

西塞山前吹笛聲曲終已過洛陽城
君能洗盡世間念何處樓臺無月明

又

萬里風中寄斷蓬古來虛死幾英雄
拔山力與回天勢不滿先生一笑中

又

風霜九月冷颼颼湖海飄然一布裘親見文義初畫卦
轉頭三十萬春秋

初寒病中有感

楚水楓林霜露新白頭一隻正吟呻牛衣未起王章疾
馬磨何傷許靖貧治道本來存簡冊神州誰與靜烟塵
新亭對泣猶稀見況覓夷吾一輩人

放歌行

君不見汾陽富貴近古無二十四考書中書又不見慈

明起自布衣中九十五日至三公人生窮達各有命拂
衣徑去猶差勝介推焚死終不悔梁鴻寄食吾何病安
用隨蝶東復西獻諛耐辱希階梯初無公論判涇渭徒
使新貴矜雲泥稽山一老貧無食衣破履穿面黧黑誰
知快意舉世無南山之南北山北

山頭石

秋風萬木實春雨百草生造物初何心時至自枯榮惟
有山頭石歲月浩莫測不知四時運常帶太古色老翁

一生居此山脚力欲盡猶躋攀時時撫石三歎息安得此身如爾頑

有客

有客隱華山學道忘歲月靈苗生絕壁光景中夜發劇根食之盡倏爾換金骨通藉虎豹閭日預通明謁綠章奏封事誤字坐責罰後身幸不忘去日苦飄忽白首三入朝未省及黔突方逃申公鉗已取卞和刖福微不盈皆罪衆幾擢髮上天豈憐之寸步使屢蹶拔其利欲根

還之山水窟洗心謝宿愆世事等胡粵

幽居

窮老苦畏事雅意在邱壑結鄰鏡湖上
卒歲安寂莫有門常嬾開壁間挂雙屨
猶恨未遠人靜夜聞城角

又

來客無僮奴剥啄自叩戶主人亦蕭然
茗飲不能具清言正絕倒日莫亟散去
更欲盡所懷衣薄畏霜露

又

山園手栽花日夜數花時花開亦已落一歡自無期勸
君強自娛勿作兒女悲春風染柳條不染君鬢絲

又

種菜三四畦畜豚七八箇未言給賓祭且復課慵惰霜
清黃犢健土潤小雨過冬耕不可失努力勿安臥

又

放翁家山陰其貧蓋一國骨相異虎頭祠祿真雞肋有
米薪未具坐待至曛黑躬耕豈所難一飽非爾力

野興

身似孤鴻鏃羽翰悲鳴飲啄住江干
酒闌客思多新感病氣衰顏失故丹
倦枕忽聞中夜雨疎砧又報一年寒
幽窓晤語無來客空倚詩情強自寬

又

老去癡頑百不能非醒非醉日騰騰
猷門惟有徵租吏好事元無送米僧
舊俗不還誰復念古書雖在漸難憑
平生意氣今如此惆悵西窓半夜燈

又

殘水涓涓入野塘
菊花猶放數枝黃
悶思野步便晴日
病怯冬溫喜薄霜
湯餅鬻成新兔美
膾炙擣罷綠橙香
人間富貴知何得
商略山林却味長

又

水作縠紋微起伏
天如卵色半陰晴
偶來竹下搘頤坐
却向藤陰曳杖行
西埭人喧荻船過
東村燈上緯車鳴
幽居應接真無暇
莫訝經年嬾入城

買油

習氣年來掃未平
夢回猶喜讀書聲
冬裘不贖渾閒事
且為吾兒續短檠

繫舟

繫舟江浦待潮平
歎息無人共月明
歷盡世間多少事
飄然依舊老書生

又

地曠月明鋪素練
霜寒河淺拂輕綃
手扶萬里天壇杖

夜過前村禹會橋

初冬至近村

南國霜常晚初冬葉始紅曠懷牛屋下美睡雨聲中沮

水憶浮馬

西鄙軍行溪過澗皆浮而濟

嶠山思射熊何由效唐將八

十下遼東

古築城曲

築城聲酸嘶漢月傍城低白骨若不掩高與長城齊

又

長城高際天三十萬人守一日詔書來扶蘇先授首

又

百丈築城身千步掘城壕咸陽三月火始悔此徒勞

又

嶧山訪秦碑斷裂無完筆惟有築城詞哀怨如當日

山園

山泉引派漲清池野蔓移根終短籬藝果極知非老事
接花聊復效兒嬉提壺言語開顏聽斷木衣襦緩步窺

莫笑題詩還滿紙小園幽事要君知

將軍行

將軍入奏平燕策持笏榻前親指畫天山熱海在目中
下殿即日名烜赫馳出都門雪初霽直過黃河冰未坼
繡旗方掠桑乾渡羽檄已入金臺陌勇士如鷹健欲飛
孱王似兔何勞搦戎服押俘獻廟社正衙第賞頒詔冊
端門賜酺天下慶御觴尚恨滄溟迤從來文吏喜相輕
聊遣濡毫書竹帛

古別離

孤城窮巷秋寂寂美人停梭夜歎息空園露濕荊棘枝
荒蹊月照狐狸迹憶君去時兒在腹走如黃犢爺未識
紫姑吉語元無據况憑瓦兆占歸日嫁來不省出門前
魂夢何因識酒泉粉絲磨鏡不忍照女子盛時無十年

寄子虞

吾兒適淮壩送之梅市橋三年安得過思汝雙鬢凋今
年當代歸秋色已蕭蕭迎汝不憚遠夢汴錢塘潮人事

不可料邑氏挽歸橈郡牧部使者交章聞之朝增秩復
使留此事久寂寥念汝未育子女方垂髫小女聞學
行想像扶床嬌汝少知讀易外物莫能搖但願早舉孫
不必七葉貂歸來郎罷前相從樂簞瓢

泛舟自中堰入湖

水縮沙洲出霜清木葉丹鷺群橫澹靄鵝陣報初寒冷
落人情見衰遲世念闌惟留一句子村舍話團樂

夜歸舟中作

意薄楊修喚小兒孤舟自笑髮成絲
放開癡腹無非夢
拈起幽懷總是詩
霜下忽驚桐葉盡
灘生更覺水聲奇
餘年那恨驅黃犢
除却為農百不宜

蓬萊閣聞大風

天風搖蕩萬松聲
卷海頽山得我驚
觸灩澦堆秋起
施鑿皐闌下夜還營
荷戈老氣縱橫在
看劍新詩欬唾成
興盡却尋湖上路
醉看月墮斗杓傾

小出塞曲

全師出雁塞百戰運龍韜
金絡洮州馬珠裝夏國刀
度沙風破肉攻壘雪平壕
明日受降處甲齊熊耳高

冬日園中作

園荒闕掃除籬敗且枝梧
久旱池萍死親霜野蔓枯
寒爐殊未議濁酒却時酤
飛動郊原興飢鷹待拊呼

登山亭

新得天台古澗藤強扶衰疾
蹋峻嶒登高臨遠雖多感
歎老嗟卑却未曾紙上是非
難盡信人間禍福有相乘

早知等是枯魚肆乞水何須望斗升

拄杖歌

道人四壁空無有一炷清香閒袖手床邊獨有拄杖子
疾病相扶真我友禪房按膝秋聽雨野店敲門莫賒酒
畏途九折歷欲盡世上誰如君耐久老矣更踏千山雲
何可一日無此君歸來燈前夜欲半露柱說法君應聞

冬晴

吳中霜雪晚初冬正佳時丹楓未辭林黃菊猶殘枝鳴

鴈過長空纖鱗泳清池氣和未重裘臨水照鬚眉悠然
據石坐亦復出門嬉野老荷鋤至一笑成幽期

冬夕

犬吠驚飄葉禽喧換宿枝墮空霜肅肅垂地斗離離野
叟讀書罷高城吹角悲功名渾錯料老病却如期

又

不寐起中夕披衣增慨慷千金空市骨三沐竟剗腸世
事誰能識吾生安用長布裘茆屋底死去亦芬芳

十月十五夜對月

離海月盈丈寒光萬里明
衆星斂欲盡一鏡獨徐行
重露滴松鬣高風吹鶴聲
老來殊畏冷不盡倚闌情

久疾

久疾無時已殘年莫更論
流離魂未返窮困舌空存
耕墾關心事祠官荷主恩
但愁垂老眼不見定中原

又

殘年仍臥疾窓戶夜悵悵
一日且復過久生非所欽
暗

塵侵藥笥微月伴衣砧萬里懷良友前盟可得尋

又

幽屏元無事沉縣自鮮歡脰長猶可截冠挂豈容彈擣
藥香塵細尋書蜜炬殘晚來差覺健風月小庭寬

舍北望牛頭山山有延勝寺先太傅書室在焉六
年前嘗泛小舟往遊寺焚於睦寇書堂無復存矣

太傅讀書處秋風曾問途江如青弋險山似白鹽孤

山形

絕類夔府之白路盡還登嶺林開忽見湖草堂無復識
鹽但差卑小耳

流涕想規模

十月十九日大風作寒閉戶竟日

霜風捲地起落葉擁蝸廬終日淡無事一窓寬有餘坐
多知力耗食少覺心虛嬾情無新句松聲忽起予

寄天封明老

浪迹天台一夢中距今四十五秋風勝遊回首似昨日
衰病侵人成老翁聖寺參差石橋外仙蓬縹緲玉霄東
因君又動青鞵興自斷千峯翠倚空

村居

衰病汙朝著恩寬得免歸簾能心自信不恨世相違
草市寒沽酒江城夜擣衣是中堪送老高枕謝招麾

又

自笑觸藩羝人嘲失旦雞囊慳衣任短山冷屋便低
宦拙讒銷骨言狂悔噬臍自今焚筆研有手但扶犁

十月下旬暄甚戲作小詩

老怯霜風盡日眠素屏紙帳擁蠻氊為君小試回春手

便似暄妍二月天

霜天雜興

楓葉金丹擗葉黃
江城殘角伴斜陽
琴書自足閒中樂
天地能容醉後狂
老死山林初不憾
夢遊河渭獨難忘
穀城黃石今安在
取履猶思効子房

又

萬鼓風聲吼屋邊
老人裘袴旋裝緜
晨梳墮髮知衰甚
夜枕聞雞尚慨然
身後文章空飽蠹
眼前交舊半沉泉

飯蔬飲水平生慣恥向天公更乞憐

又

少學愚公一味愚莫年仍似病相如閒吟寄友惟生紙
草具留僧只野蔬雨澀溪流殊未足霜高木葉已無餘
潭州丞相憐衰疾細字時收尺素書

連日風雨寒甚夜忽大風明日遂晴

萬里浮雲一掃空碧天無際日曛曛歡聲四起春風裏
恰似祥符景德中

懷昔

昔者戍梁益寢飯鞍馬間一日歲欲莫揚鞭臨散關增
冰塞渭水飛雪暗岐山悵望釣璜公英概如可還挺劒
刺乳虎血濺貂裘殷至今傳軍中尚媿壯士顏豈知墮
老境槁木蒙霜管澤國氣候晚仲冬雪猶慳曩事空夢
想擁褐自笑孱彗星未竇地大弓何時彎

寄題王俊卿看山堂

廣文風度絕清真一代論交不數人車馬到門常謝病

北山雖遠却相親

又

閉戶終年嬾出遊
北山山色可消愁
何時一掃烟塵盡
更約同吟太華秋

絕歎

老屋環青嶂
衰翁臥白頭
殘書且遮眼
薄酒不澆愁
世故真難料
吾生愈覺浮
餘年更須惜
幸得返山邱

風雨

風雨連三日衰翁不下堂弄書聊自適與世已相忘
嵬栗經霜飽搓橙帶露香地爐供小飲亦足慰淒涼

晚過鄰曲

陽狂跌宕送年華信步來尋野老家淺瀨水清逢立鷺
橫林葉盡數栖鴉書生一飽依耕耒壯士孤愁入戍笳
王績但思酣美醞葛洪不復問丹砂

莫仲謙挽辭

懷器藏山澤逢時起薜蘿星辰占寶劔雷雨化龍梭禹

六書雖富浯溪石未磨門閭更須築有子繼三科

病起

一病輒經旬幾病能不死誠知迫頽年暫健亦自喜半
窓風竹影晴景極清美讀書雖益嬾尚可日百紙引鏡
整角巾病思真一洗悠然度朝晡萬事如覆水

晚興

一聲天邊斷雁哀數盞籬外早梅開幽人耐冷倚門久
送月墮湖歸去來

贈粉鼻

畜貓名也

連夕狸奴磔鼠頻怒髯
喫血護殘困問渠何似朱門裏
日飽魚殮睡錦茵

與兕革論李杜韓柳文章偶成

吏部儀曹體不同拾遺供奉各家風
未言看到無同處
看得同時已有功

夢至小盆

夢覺空山淚漬衿西遊歲月苦駸駸
葭萌古路緣雲壁

桔栢浮梁暗櫟林坐上新聲猶蜀伎道傍逆旅已秦音
荷戈意氣渾如昨自笑摧頽負壯心

懷紹興間往還諸公

早歲從諸傑森然盡國華辭工出月脇筆健拔鯨牙道
在窮何憾年徂生有涯湖山元不改老淚濕風沙

磨衲道衣

久脫朝衣學道裝溪雲埜鶴作身章何時九轉丹砂熟
却插金貂待紫皇

溪上作

落日溪邊杖白頭，破裘不補冷飈飈。
顛愚酷信紙上語，老病猶先天下憂。
末俗陵遲稀獨立，斯文崩壞欲橫流。
紹興人物嗟誰在，空記當年接俊遊。

又

偃僂溪頭白髮翁，暮年心事一枝筇。
山銜落日青橫野，鴉起平沙黑蔽空。
天下可憂非一事，書生無地効孤忠。
東山七月猶關念，未忍浮沉酒醖中。

小憩

徐行散腰膂小憩晉精神休養觀書眼調娛宴坐身青
瑣我家舊紅粟太倉陳溫飽無餘事寒龜息自勻

癸丑十一月下旬溫燠如春晦日忽大風作雪

今年一冬晴日多草木萌甲風氣和百錢布被未議贖
老翁曝背兒行歌吾儕小人慮不遠積雪苦寒來豈晚
青天方行三尺鳥不料黑雲高巖嵕明朝雪惡凍復餓
兒啼頰皴翁噤臥九重巍巍那得知閣門催班百官賀

占城椶竹拄杖

參雲氣壓葛陂龍跨海來扶笠澤翁八十尚思行脚在
與君處處現神通

西城

市步羣囂散關門夕照明河流倒橋影雪野聚鳥聲繁
杵聞深巷寒烟下廢城匆匆舩盡發爭趁早潮平

東城

墟落歛莫烟林梢偃新月河橋燈漸鬧柳岸船猶發薄

酒吹欲無佇立搔短髮誰知七十翁歲晚念裘褐

斯道

斯道有顯晦所憂非賤貧乾坤均一氣夷狄亦吾人朋
黨消廷論鉏耰洗戰塵清時更何事處處是堯民

病起山居日有幽事戲作

靈府超然物外輕靜中談笑却三彭晴窓風竹參差影
霜樹山禽格磔聲客出異苗咨藥品僧携奇篆乞書評
幽居亦未全無事更用人間有姓名

又

鶴骨龜腸欲不禁扶衰初喜罷呻吟
盆山水釋書窓暎藥竈香濃道院深
筆健乍臨新獲帖手生重理舊傳琴
閉門局促還堪恨雲海何時豁此心

蝸廬

蝸廬四壁空也過百年中葑火朝供爨
蘆綿夕禦風不憎窮有崇自以放名翁
但恨村醪薄衰顏只蹙紅

冬夜讀書有感

一指頭禪用不窮一刀七藥去凌空汗牛充棟成何事
堪笑迂儒錯用功

又

胸中十萬宿貔貅早纛黃旗志未酬莫笑蓬窗白頭客
時來談笑取幽州

十二月九日枕上作

臥聽百舌語簾櫳已是新春不是冬堪歎老來如許病
正令無病亦無悰

記夢

黃河衮衮抱潼關
蒼翠中條接華山
城郭丘墟人盡老
藥爐依舊白雲間

又

西巖老宿雪垂肩
白石為糧四百年
喜我未忘山下路
慇懃握手一欣然

又

三髻山童喜欲顛
下山迎我拜溪邊
松陰拂罷蒼苔石

接竹穿雲理舊泉

鏡湖女

湖中居人事舟楫家家以舟作生業
女兒粧面花樣紅
小繖翻翻亂荷葉日暮歸來月色新
菱歌縹緲泛烟津
到家更約西鄰女明月湖橋看賽神

劔南詩藁卷二十八

欽定四庫全書薈要卷一萬五千五百十九

集部

劔南詩藁卷二十九

宋 陸游 撰

水村曲

山村今年晚禾旱
奏下民租蠲大半
水村雨足米狼戾
也放三分慰民意
看榜歸來迭歌舞
共喜清平好官府
老翁猶記軍興時
汝輩少年那得知

石洞餉酒

忘憂自古無上策欲飲家貧酒盃迫今朝喜鵲報遠餉
未坼赤泥先動色魚長三尺催膾玉巨蟹兩螯仍斫雪
勿言地僻少過從清風明月俱吾客驅除二豎走三彭
零落眼花生耳熱陶然酣臥聽松聲媿爾公卿足憂責

病退

病退身仍健春回日漸長神訶金鼎藥龍出玉函方美
睡三竿日安禪半篆香殘年已如許幸復起膏肓

偶書

身放江湖遠年推里巷尊鄰翁分酒子羽客借桐孫決
決永消澗纖纖柳映門小車非漢相時亦到前村

讀史

南言蓴菜似羊酪北說荔枝如石榴自古論人多類此
簡編千載判悠悠

飲石洞酒戲作

酣酣霞暈力通神澹澹鵝雛色可人一笑破除垂老日
滿懷搖蕩隔年春梅花的的吹初破楊柳纖纖染未勻

醉倒橋邊人不怪西曹免護相君茵

霜寒

霜重晨簷滴薪乾夜焙溫老惟便布褐病不出柴門瓶裏梅花墮窗間鵲語喧閒人信無事午睡到黃昏

賽神曲

擊鼓坎坎吹笙嗚嗚綠袍槐簡立老巫紅衫繡裙舞小姑烏白燭明蠟不如鯉魚糝美出神厨老巫前致詞小姑抱酒壺顧神來享常驩娛使我嘉穀收連車牛羊莫

歸塞門間雞鶩一母生百雛歲歲賜粟年年蠲租蒲鞭
不施園土空虛束草作官但形模刻木為吏無文書淳
風復還羲皇初繩亦不結況其餘神歸人散醉相扶夜
深歌舞官道隅

涼州行

涼州四面皆沙磧風吹沙平馬無迹東門供張接中使
萬里朱宣布襖勅勅中墨色如未乾君王心念兒郎寒
當街謝恩拜舞罷萬歲聲上黃雲端安西北庭皆郡縣

四夷朝貢無征戰舊時胡虜陷關中五丈原頭作邊面
望夫石

送君遠戍交河北男兒自以身許國不能彎弓騎惡馬
欲隨君去何由得登山矯首西北雲形容雖變心猶存
月明夜夜照淚痕鐵石心腸輸與君

江村道中書觸目

短籬曲曲對開門修竹陰陰不見村別浦回潮魚滬密
孤舟春近雁沙溫路逢行客時交轡店賣新醅一舉樽

忽過亂山幽絕處恍如白帝到東屯

采蓮曲

采蓮吳姝巧笑倩小舟點破烟波面雙頭折得欲有贈
重重葉蓋羞人見女伴相邀拾翠羽歸棹如飛那可許
傾鬟障袖不謾人遙指石帆山下雨

兀坐頗念遊歷山水戲作

萬里當時寄一官十年客枕不曾安鬼愁灘下扁舟晚
蛇退陂前古驛寒昔歎遠遊生雪鬢近緣多病學金丹

功名非復衰翁事獨有江山興未闌

鬼愁灘在安康漢江中蛇退陂在夔

施兩郡之間皆畏途也然山水特奇

五雜組

五雜組山雉羽徃復還江頭路不得已貴臣去

又

五雜組機上綺徃復還冶遊子不得已富兒死

漁扉

湖上千峯翠作園正應佳處著漁扉迂疎自計難謀食

老病誰令未拂衣
萬里滄波鷗乍沒
十年華表鶴重歸
一盂粟飯吾何恨
自古高人有采薇

詠史

夜雨燈前感慨深
為邦一士重千金
風雲未展康時畧
天地能知許國心
劒忽拄頤都將相
帽曾壓耳隱山林
英雄自古常如此
君看隆中梁甫吟

烏棲曲

楚王手自格猛獸
七澤三江為苑囿
城門夜開待獵歸

萬炬照空如白晝樂聲前後震百里樹樹棲鳥盡驚起
宮中美人謂將旦髮澤口脂費千萬樂聲早莫少斷時
莫怪棲鳥無穩枝

古別離

君北遊司并我南適熊湘邂逅淮陰市共飲官道旁丈
夫各有懷窮達詎可量臨別一取醉浩歌神激揚勲業
有際會風雲正蒼茫亂點劒峯血苦寒芒履霜死即萬
鬼鄰生當致虞唐丹雘不須盟我非兒女腸

書歎

夜深青燈耿窗扉老翁稚子窮相依
齏鹽不給脫粟飯布褐僅有懸鶉衣
偶然得肉思共飽吾兒苦讓不忍違
兒飢讀書到雞唱意雖甚壯氣力微
可憐落筆漸健快其奈瘦面無光輝
布衣儒生例骨立紈袴布兒皆瓠肥
勿言學古徒自困吾曹捨此將安歸
作詩自寬亦慰汝吟罷撫几頻歔歔

十二月二十六夜聽雨

新春尚七日小雨暗江城
玆簷夜點滴已作春雨聲輕
黃上柳枝嫩綠抽菊明造物本何心
誰主此發生頗疑
重雲外斗杓已東傾老至不可却一尊忘濁清

起晚

傍檐百舌語璁瓏已覺新春在眼中
欲起未成還小睡
忽看初日滿窗紅

陳少監餉澄清堂酒

酣暢年來豈易逢
壘湯蜜汁亦時中
玉醅忽逐春風至

一吸懸知百榼空

雪中作

黑風卷地連三日密雪穿簾又一回
衰病不禁天色惡
笑談誰共酒樽開
忍寒瘦馬嘶空櫪
覓食飢烏啄廢臺
笑遣蠻童撼園竹
輟耕分火待歸來

甲寅元日予七十矣酒間作短歌示子

我昔自蜀歸百年已過半
觀棊未終局回視斧柯爛
飽知山林樂富貴何足換
退休失健決正坐閤且懦齒髮

日衰殘歲月難把玩蕭朱尚或隙藉湜固宜畔出門無
一欣撫事有三歎新年遂七十推敬媿里閭眷眷惜茲
夕凜凜畏明日豁然忽大笑愁若春冰泮窮達真兩忘
生死付一貫清尊既湫澀碩果亦璀璨擁門紛鼓笛上
壽列童冠老翁亦忘疲起舞影零亂不獨誇癡頑自足
洗患難投床判宿醒美睡到日旰

七十

七十殘年百念枯桑榆元不補東隅但存隱具金鴉觜

那夢朝衣玉庾盧身世蚕眠將作繭形容牛老已垂胡
客來莫問先生處不釣娥江即鏡湖

正旦後一日

七十今年是連朝樂未休比鄰更頌禱親黨共遲留羊

映紅纏酒花簪絳帕頭從今日有喜農事起西疇

絳帕頭益

以絳帕飾
巾幘之類

立春

採花枝上寶幡新看遍秦山楚水春村舍不知時節換

傍檐百舌苦撩人

老境

髮白未及童齒搖未及脫正如一席飲燒燭將見跋谿
山環草舍霜露侵布褐文章雖自力亦已強弩末寧將
垂老耳更受世事聒匡廬入我夢行已寄瓶鉢

偶懷小盆南鄭之間悵然有賦

西戍梁州鬢未絲嶠山漾水幾題詩劒分蒼石高皇迹

嶠家廟傍有高皇巖擁朱門老子祠
試劒石中分如截
三泉道上有老燒君洞景趣幽邃

兔驛亭微雪夜騎驢棧路早梅時
登臨不用頻淒斷未
死安知無後期

再用前韻不依次

憶昨從戎丞相府元榆書檄仲宣詩
雲屯騎士臨邊日
魚貫降人獻捷時
史冊誤人悲壯志
關河回首負初期
豈知二紀身猶在
衰鬢星星老侍祠

北坡梅開已久一株獨不著花
立春日忽放一枝
戲作

日日來尋坡上梅，枯槎忽見一枝開。
廣寒宮裏長生藥，醫得冰魂雪魄回。

人日

新歲逢人日，老夫持道齋。
斷冰浮野水，微綠發枯荂。
霽

景豐年象

今年元日至人日皆晴

閒吟曠士懷，春幡已陳迹。
鬪巧

笑吳娃

前一日立春

夜讀呂化光文章，拋盡愛功名之句。
戲作

玉闕西望氣橫秋，肯信功名不自由。
却是文章差得力

至今知有呂衡州

遇術士飲以卮酒

行藥來村北觀魚立水邊
忽逢長揖客能算小行年
酒薄聊頽頽囊空闕贈錢
時清君未死訪我華山前

閒趣

老子即今雙白鬢鏡湖自古幾青山
半窗蘿月獨欹枕滿院松風常掩闌
天地許寬誰礙汝琴尊是處可開顏
將行亦莫買春草幸有一筇相伴閒

正月二十日晨起弄筆

深院窓扉曉色遲
新愁宿醉雨參差
雨聲欲與夢相入
春意不隨人共衰
零落殘梅臨小約
縱橫野水赴清池
物華撩我緣何事
似恐新年漸廢詩

春夜讀書

枉是儒冠遇太平
窮人那許共功名
枯腸不飽三升稷
皓首猶親二尺檠
寓世已為當去客
愛書更付未來生
夜闌撫几愁無奈
起視離離斗柄傾

春晴泛湖入城

春色初回杜若洲
隔烟時見矯輕鷗
嵩雲緱月年年夢
楚柁吳檣處處愁
魚躍銀刀論網買
酒傾綠蟻滿盃浮
前生杜牧吾身是
又向江南遍倚樓

書齋壁

老病人扶氣力微
闌干西角立斜暉
流年冉冉功名誤
新冢累累故舊稀
仗馬曾鳴宜永棄
牧羝雖乳敢言歸
住菴活計無多子
只要筇枝與衲衣

又

落魄人間不記年
晚營茆棟鏡湖邊
室空惟是四壁立
面瘦漸生雙頰顚
地僻門無殘客到
歲豐路有醉人眠
君看朝市紅塵鬧
始信吾曹是地仙

春日睡起

睡起悠然弄衲琴
銅猊半爇海南沉
淒涼故里逢春處
忠憤孤臣許國心
水滿鳬鷺初拍拍
雨餘花木已陰陰
吾兒援掖淮邊未
歸近清愁轉不禁

子虞書報二
月離古壽

老病謝客或者非之戲作

病侵腰膂兩經秋
欲下繩床不自由
客至難令三握髮
佛來僅可小低頭
安禪還我閒蒙衲
怒氣從渠勇挾輈
亦欲署門還嬾去
死生貴賤本悠悠

永日無一事作詩自詒

目昏罷觀書足蹇停遊山二事差可樂造物乃復慳得
非閤我老作意鏤其頑掃除盡習氣使得終日閒閒亦
何負汝剡曲郊三間奇石玩華角清流聽淙潺勿言村

醪薄數酌可解顏脩然日已夕臥看飛鳥還

窓前作小土山藝蘭及玉簪最後得香百合併種
之戲作

方蘭移取遍中林餘地何妨種玉簪更乞雨蕞香百合
老翁七十尚童心

泛舟觀桃花

花徑二月桃花發霞照波心錦裏山說與東風真須惜

莫吹一片落人間

花徑桃花
最盛處

又

桃源只在鏡湖中
影落清波十里紅
自別西川海棠後

初將爛醉答春風

自梅花塢至
花湓恰十里

又

種桃亦解比封君
世故紛紛寂不聞
九轉金丹應已熟
全家仙去隱紅雲

又

湖南小山花更多
不醉將如春色何
釣得鮮鱗堪斫膾

任教微雨濕漁蓑

湖南山名在
柯山之南

又

鄰曲一生花裏活村翁疑是古遺民
初來自被春留住枉道當時為避秦

新闢小園

人生如意每難全草草園池却自然
世事已拋高枕外春風常在短筇前
墮空花片紛紅雨徧地苔痕長綠錢
酒戶漸增詩興在天容此老剩狂顛

又

西戍歸來鬢已霜
生兒又過乃翁長
眼明身健殘年足
飯軟茶甘萬事忘
學廢僅能書姓字
客來嬾復倒衣裳
山園寂寂春將晚
酷愛幽花似蜜香

又

席地幕天君勿嘲
隨宜野蔌與山肴
幽花避日藏深葉
歸燕尋人理舊巢
曲水詠觴空念昔
斜川鄰曲自論交
清貧尚媿茶山在
送老湖邊有把茆

曾文清至歿
常寓僧舍

又

新展山園半畝強笑人車馬出籠坊山禽乍暝殷勤語
野鷗無風自在香點點水紋迎細雨疎疎籬影界斜陽
出門遙向鄰翁說釋耒相從共一觴

又

東軒嫩日上疏櫺吹盡浮雲作意晴林暝牆頭雙鵲語
水清池面小魚行畦添藥品誰能別架引藤陰忽已成
倚杖怡然便終日老夫那復不平鳴

又

祠祿縻人未棄官春深幽國有餘歡
筍生遮道妨行藥果熟團枝礙整冠
煮酒折泥初灑灑生綃裁扇又團團
退飛風際由來事莫羨青霄刷羽翰

上已小飲追憶乾道中嘗以是日病酒留三泉江
月亭悽然有感

零落殘花一兩枝綠陰深院燕差池
隔牆笑語鞦韆散惆悵三泉驛裏時

元微之詩三泉驛內逢上巳

晚步門外散懷

大千沙界一浮漚成壞元知不自由
寓迹箇中誰耐久
問君底事不歸休
春波欲雨黃鴉鬧
晚渡無人白犢浮
七十之年何處足
戲憑藥物小遲留

又

萬化紛紛本一機
不為腐骨欲安歸
彭殤共盡孰脩短
堯桀兩忘無是非
濡首極知當痛飲
翦翎那復許群飛
江郊未解春寒惡
高柳吹花又滿衣

欲出遇雨

東風吹雨惱遊人
滿路新泥換細塵
花睡柳眠春自嬾
誰知我更嬾於春

飢坐戲詠

衰鬢蕭然滿鏡霜
一菴歸老鏡湖傍
有懷每恨交朋遠
無食方知日月長
落筆未妨詩袞袞
閉門猶喜氣揚揚
晚來袖手蒲團穩
笑喚兒童代夜香

蔬食

今年徹底貧不復具一肉日高對空索腸鳴轉車軸春
薺忽已花老筍欲成竹平生飯蔬食至此亦不足孰知
讀書却少進忍飢對客談堯舜但令此道簾有傳深山
餓死吾何恨

山亭

風惡闌回雨天寒勒住花尋幽扶柳栗息倦倚槎牙分
韻僧吟苦爭碁客笑譁相逢仍草草歸路竝山斜

久不得張漢州書

儘道三巴遠那無一紙書
哀遲自難記不是故人疎

春晚村居

一事元無可得忙
悠然半醉倚胡床
牡丹枝上青春老
燕子聲中白日長
身世已如風六鷁
文章仍似閨黃楊
太平有象無人識
南陌東阡擣麝香

遊雲山諸蘭若

花過木陰合溪雲生莫涼
牛行響白水鷺下點青秧
古寺宛如昔穉松森已行
道傍松及三十年則僧輒伐去
復種小者予自幼歲至今已見

三種
矣 耆年不下榻童子為燒香

與子坦子聿遊明覺十四韻

我自何山來覓路占樓鐘睽翩兩葛巾跌宕一短筇深
谷已曛黑夕陽猶半峯堂中千歲師磊落如古松殘僧
三四輩斗粟各自舂長廊久寂寞香火亦闕供頗聞在
世時一鉢制惡龍時時出雷雨百里常年豐宿緣忽云
盡獻供無春農饒鳥晨搜飯飢鼠夜穿牖而況我輩人
生世本不逢胡不安汝分終身抗塵容靜觀興廢事可

洗芥蒂胸一笑下山去村塢烟重重

淨智西窓

一窓新綠愜幽情袖手哦詩取次成牆外蜜蜂來又去
可憐終日太忙生

小僧乞詩

風前掩苒草吹香溪上霏微雨送涼萬里安西無夢到
却尋僧話破年光

西窓睡起

老便寂寂厭紛紛借得僧房臥看雲夜宴怕逢觥錄事
秋山慵伴獵將軍餘年敢望十寒暑夙習正須三沐薰
斜日滿窓誰喚起數聲啼鳥隔溪聞

平水

旅飯風埃小市傍却呼拄杖踏斜陽可憐陌上離離草
一種逢春各短長

三月二十五夜達旦不能寐

愁眼已無寐更堪衰病嬰蕭蕭窗竹影磔磔水禽聲搔

楚民方急烟塵虜未平一身那敢計雪涕為時傾

又

憂國心常折觀書眼欲枯百年終坎壈一飯且枝梧忽
忽殘春過迢迢清夜徂壯心空萬里老病要人扶

園中小飲

此老胸中萬頃寬小園幽徑日追歡寧教酒欠尋常債
恥就人求本分官高柳陰濃烟欲暝鵲花紅濕露初溥
時月桂方盛開要知澤國年光晚已過清明尚淺寒

舟中夕望

船掠湖堤不入城
葛巾羽扇試春行
女牆迤邐橫輕靄
佛閣崢嶸倚晚晴
樹冒藤花堆故繡
風吹鶯語送新聲
細思造物何由報
遣作閒人過此生

四月一日作

桃李逢春次第開
坐看零落付蒼苔
壓車麥穗黃雲重
食葉蚕聲白雨來
鏡裏頓驚年事速
天邊誰挽斗杓回
可憐團扇塵侵損
又見生綃月樣裁

舟行過梅市

新換單衣細葛輕，
脩然隨處得閒行。
綠陰浦口維舟處，
霽日場中打麥聲。
醉叟臥途知酒賤，
耕農滿野喜時平。
老來無復雕龍思，
遇興新詩取次成。

山園雜賦

初夏未覺暑微陰，
殊勝晴藤冠稱新。
沐蓴菜解餘酲，
偶據盤陀坐還扶。
柳栗行平生志，
勲業今日一毫輕。

又

藤陰初覆架，菱蔓漸穿萍。
水繞籬根綠，山從樹罅青。
長辭帝所夢，不媿草堂靈。
賴有黃醅法，終年任醉醒。

又

一日老一日，一年貧一年。
元無肉食相，且作地行仙。
本不營三窟，何須直一錢。
村墟櫻筍鬧，剝放醉中顛。

又

芳茱真妙士，霜菊亦奇才。
邂逅心生敬，慙慙手自培。
扶持新長桂，護惜欲殘梅。
此意何人解，頽然付酒盃。

西窓

西窓偏受夕陽明好事能來慰此情
看畫客無寒具手
論書僧有折釵評薑宜山茗留閒吸
鼓下湖尊喜共烹
酒酌朱門非我事諸君小住聽松聲

山頭鹿

呦呦山頭鹿毛角自媚好渴飲澗底泉
飢齧林間草漢
家方和親將軍灞陵老天寒弓力勁木落霜氣早短衣
日馳射逐鹿應弦倒金槃犀筋命有繫翠壁蒼崖迹如

掃何時詔下北擊賊却起將軍遠征討泉甘草茂上林
中使我母子常相保

夏四月渴雨恐害布種代鄉鄰作插秧歌

浸種二月初插秧四月中小舟載秧把往來疾於鴻吳
鹽雪花白村酒粥面濃長歌相贈答宛轉含幽風日暮
飛漿歸小市鼓鑿鑿起居問尊老勤儉教兒童何人采
此謠為我告相公不必賜民租但願常年豐

雲童童行

雲童童挾雨來雨未濡土雲已開不能為人歛浮埃山
南山北空聞雷青袂欲稿吁可哀

董逃行

讀古樂府擬作

漢末盜賊如牛毛干戈萬槩更相鑒兩都宮殿摩雲高
坐見霜露生蓬蒿渠魁赫赫起臨洮僵屍自照臍中膏
危難繼作如崩濤王朝荒穢誰復薊踰城散走墜空壕
扶老將幼山中號昔者羣狂根株牢衆憤不能損秋毫
誰知此亂亦不遭名雖放斥實遁逃平民蹈死聲替替

今茲受禍乃我曹

閔雨

黃沙白霧晝常昏
嗣歲豐凶詎易論
寂寂不聞秧鼓動
啞啞實厭水車翻
粟困久盡無遺粒
淚席嘗沾有舊痕
聞道憂民又傳詔
蒼生何以報君恩

又

赤日黃塵江上村
徵租惟有吏過門
微風敢喜北窓臥
大旱恐非東海冤
千載傳巖疑可致
一篇洪範向誰論

青蔬半畝垂生死且喚鄰翁共灌園

喜雨

楚巫奔走畏天慳變化誰知轉盼間
初夜電光搖北斗父老以北斗下有電候雨平明雲氣冒南山
坐令沃野新秧遍已覺

豐年舊觀還白頭老農愁破處夢回高枕聽潺潺

初夏

已作梅黃雨猶餘麥秀寒穿林紅練帶拔地碧琅玕
酒向愁邊薄衣從病後寬所欣消渴減乳酪正甘酸

村舍

門巷桑麻暗庖厨筍豉香僮奴課鉏菜婢子學燒糠貧
任青春過閒知白日長非關愛疎嬾無事可成忙

鳥啼

野人無歷日鳥啼知四時二月聞子規春耕不可遲三
月聞黃鸝幼婦閔蚕飢四月鳴布穀家家蚕上簇五月
鳴鴉舅苗稚憂草茂人言農家苦望晴復望雨樂處誰
得知生不識官府葛衫麥飯有即休湖橋小市酒如油

夜夜扶歸常爛醉不怕行逢灞陵尉

感舊

廢隴荒陂浥浥畊生無勛業死無名衰頽日甚君休問

三十年前白髮生

紹興壬午予年三十八與查元章王嘉叟同出垂拱殿門二君指予問曰

子亦有白髮耶相與太息令三十二年矣

讀書至夜半燈盡欲睡慨然有感

白髮蕭蕭老空谷人歎厄窮心自足東郊曉射墮錦雉
北崦春畊叱黃犢區區世事何足論未死斷知常閉門

闕河好在萬里路理亂不至三家村夜分燈暗月入戶
賦詩肯道儒冠誤飢鷹勁翮高有聲橫截陂湖正南去
遣興

壯歲元多病長年敢自期賤貧交易絕憂患夢常悲續
食叨微祿寬心賴小兒平生鏡湖上天乞小茆茨

農舍

農舍雖云苦君恩詎可忘
繭稠初滿簇麥熟已登場
渺渺開村路登登築野塘
但須時雨足擊壤詠時康

四月晦日小雨

霏霏亂點暗朝光
藪藪奇聲渡野塘
一浦未輸新漲綠
四郊聊壓早塵黃
風生團扇清無暑
衣覆薰籠潤有香
竹屋茆檐得奇趣
不須殿閣詠微涼

泛舟過吉澤

蕭蕭菰浦如荻林
五月已覺秋意深
烟波滅沒無漁艇
浦溆飛鳴多水禽
稽山出雲極奇變
陸子岸幘方微吟
一聲菱唱起何許
洗盡萬里功名心

書歎

高廟衣冠月出遊中原父老淚交流諸公誰効回天力
散吏空懷恤緯憂雨細漁菴晨舉網月明畊隴夜驅牛
神州克復知何日北望飛蓬萬里秋

五月得雨稻苗盡立

城郭迎龍鼓吹喧甘膏三夕慰黎元草荒常日經行路
水到前村舊漲痕黃犢盡畊無曠土綠苗無際接旁村
家家足食山無盜安枕何勞夜閉門

薄醉遣懷

跼蹐蝸廬迓蕭條鶴髮新
途窮貧入夢身老病欺人帶
索忘三組羹藜抵八珍
蓬窗一盃酒自覺膽輪囷

劔南詩豪卷二十九


謹案卷二十九第二頁後四行窻間鵲語喧刊本
喧訛暄今改

第八頁後八行蟠家廟傍刊本蟠訛蟠據唐宋詩
醇改

第十七頁後八行終身抗塵容刊本容訛容今改

欽定四庫全書





總校官庶吉士臣張能照
校對官庶吉士臣徐如澍
謄錄監生臣張耀基